



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj:05-05-666-59/19 III MG
Sarajevo,01.02.2019.godine

SKUPŠTINA KANTONA SARAJEVO
n/r Elmedin Konaković, predsjedatelj
- ovdje -

PREDMET: Odgovor na zastupničko pitanje zastupnika Zvonka Marića

Zastupnik Zvonko Marić na Trećoj radnoj sjednici Skupštine Kantona Sarajevo, održanoj dana 23.01.2019.godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, postavio je zastupničko pitanje:

Ko čini Operativni tim za sanaciju stanja na Regionalnom centru za upravljanje otpadom Smiljevići? Molim imena članova Operativnog tima, njihova zanimanja, mjesta stalnog zaposlenja. Molim za kratak izvještaj aktivnosti Operativnog tima, te da li članovi primaju ikakve naknade za svoj rad u Operativnom timu, ako primaju molim iznose naknada za svakog člana?

ODGOVOR:

U 2016. godini konstatovano je loše stanje na deponiji Smiljevići, izazvano prije svega nedostatkom reciklaže otpada, neblagovremenim obezbjeđenjem nove plohe za odlaganje, zbog nedostatka finansijskih sredstava i kašnjenja sredstava iz IPA fonda, kao i iskopavanjima Instituta za nestale osobe BiH po nalogu Tužilaštva BiH. Posljedice su bile uništavanje plinske infrastrukture i neugodni mirisi sa odlagališta, što je izazvalo žalbe stanovnika okolnih naselja.

U cilju definisanja neophodnih mjera na unaprijeđenju stanja na deponiji, na inicijativu ovog Ministarstva, u okviru Zavoda za izgradnju u aprilu 2016.godine formiran je Stručni operativni tim, koji je izradio detaljan Program sanacije deponije za period 2016-2020.godina, sa razrađenim aktivnostima, nosiocima aktivnosti, rokovima i potrebnim finansijskim sredstvima.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1



Operativni tim je radio na pripremi godišnjih programa aktivnosti, koje je usvajala Vlada Kantona Sarajevo, pratio realizaciju Programa sanacije i davao rješenja po pojedinim pitanjima.

Operativni tim je nastavio sa radom i u 2017. i 2018.godini. Rješenjem direktora Zavoda za izgradnju Kantona Sarajevo broj 03-033-805/18 od 06.07.2018.godine, a uz saglasnost Ministarstva, imenovan je Operativni tim - Komisija za realizaciju Programa aktivnosti na sanaciji i izgradnji Regionalnog centra za upravljanje otpadom Smiljevići u Sarajevu za 2018.godinu, koju su činili: Fuad Babić,dipl.ing.građ. (Zavod za izgradnju Kantona Sarajevo); Doc.dr.Amra Serdarević,dipl.ing.građ (Građevinski fakultet u Sarajevu); Mr. Abid Mulaomerović, dipl.ing.maš. (KJKP „Rad“ Sarajevo); Ahmed Busuladžić, dipl.ing.hem. (KJKP „Vodovod i Kanalizacija“ Sarajevo; Aljoša Dizdarević,dipl.bio. (KJKP „Vodovod i Kanalizacija“ Sarajevo); Venera Simonović, dipl.ing.građ. (Zavod za izgradnju Kantona Sarajevo); Adis Skejić,dipl.ing.građ. (Građevinski fakultet u Sarajevu); Maida Čukojević,dipl.ing.maš. (KJKP „Rad“ Sarajevo). U skladu sa Rješenjem, komisija je završila sa radom zaključno sa 31.12.2018.godine. Mjesečna naknada je u 2018.godini iznosila 250,00 KM netto, s tim da su tri člana (Babić, Serdarević, Mulaomerović) plaćena za 12 mjeseci, koliko je iznosio njihov ukupni angažman u 2018.godini, dva člana komisije (Busuladžić, Dizdarević) plaćeni su za šest mjeseci (od dana imenovanja), dok tri člana komisije (Skejić, Simonović i Čukojević) nisu primali naknadu za rad u komisiji. Sredstva za rad Operativnog tima je osiguralo Ministarstvo.

Realizovane aktivnosti Operativnog tima u 2018.godini uključivale su:

- Učešće u izradi Godišnjeg programa aktivnosti u okviru Regionalnog centra za upravljanje otpadom Smiljevići;
- Inoviranje i praćenje realizacije Programa sanacije i Godišnjeg programa aktivnosti;
- Redovno informisanje i sačinjavanje izvještaja o svim aktivnostima koje se poduzimaju;
- Davanje prijedloga za rješavanje pojedinih pitanja rada Regionalnog centra za upravljanje otpadom Smiljevići;
- Izrada troškovnika za javne nabavke vezane za implementaciju Programa sanacije;
- Preduzimanje svih drugih potrebnih radnji i aktivnosti, kako bi se Program aktivnosti na sanaciji i proširenju Regionalnog centra za upravljanje otpadom Smiljevići efikasno implementirao.

S poštovanjem,

MINISTAR

Damir Filipović, MA prava

Obradila: Mira Grgić, *Mira*
stručni savjetnik za upravljanje otpadom

Kontrolisala: Zijada Krvavac,
pomoćnik ministra za zaštitu okoliša

Dostaviti:

- Naslovu
- Vlada Kantona Sarajevo
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

